



PANDUAN PELAKSANAAN PELEPASAN CUKAI BARANG DAN PERKHIDMATAN KE ATAS PEROLEHAN PERKHIDMATAN KERAJAAN

1. PENDAHULUAN

YB Menteri Kewangan telah memberi pelepasan kepada Jabatan Kerajaan Persekutuan dan Jabatan Kerajaan Negeri selaras dengan Subseksyen 56 (3)(a) Akta Cukai Barang Dan Perkhidmatan (CBP) 2014 dari dikenakan GST ke atas perolehan perkhidmatan (kontrak kerja dan kontrak perolehan perkhidmatan bukan perunding). Surat Kementerian Kewangan ruj: 0.3865/356(SJ.4)(Jld.22)(SK.24)(7) bertarikh 12 Mei 2015 dan surat ruj:S/K.KEW/PK/MOF/D/41 SK.1(10) bertarikh 4 Mac 2015 adalah berkaitan.

2. TUJUAN

Tujuan panduan ini disediakan untuk membantu:

- 2.1 Kontraktor/vendor yang membekalkan perkhidmatan kepada kerajaan.
- 2.2 Jabatan kerajaan yang mendapatkan pelepasan GST ke atas perolehan perkhidmatan.

3. PELEPASAN CBP

- 3.1 Pelepasan CBP yang diberi ke atas kontrak kerajaan adalah seperti berikut:

- i) Kontrak perolehan perkhidmatan iaitu kontrak kerja yang sedang berkuatkuasa di mana surat setuju terima (SST) telah ditandatangani sebelum 1 April 2015 dan tempoh kontrak melangkaui 1 April 2015, diberi pelepasan dari dikenakan GST sehingga kontrak tamat. Pelepasan yang sama juga diberi kepada kontrak perolehan perkhidmatan (kontrak kerja) yang sedang berkuatkuasa pada atau

selepas 1 April 2015 yang melibatkan pelanjutan masa (*Extension of Time –EOT*).

- ii) Kontrak perolehan perkhidmatan bukan perunding (contohnya sewaan, penyelenggaraan, pembersihan) yang tidak dikenakan Cukai Perkhidmatan sebelum 1 April 2015 diberi pelepasan dari dikenakan GST sehingga **31 Mac 2017 atau tarikh tamat kontrak**, mana yang lebih awal dengan syarat kontrak sedang berkuatkuasa di mana surat setuju terima (SST) telah ditandatangani sebelum 1 April 2015 dan tempoh kontrak melangkaui 1 April 2015.

3.2 Perolehan Perkhidmatan Perunding dan bukan perunding yang dikenakan cukai perkhidmatan sebelum 1 April 2015 adalah tertakluk kepada kenaan GST walaupun SST telah ditandatangani sebelum 1 April 2015 dan kontrak melangkaui tarikh tersebut.

3.3 Bagi perolehan produk petroleum RON 95 dan diesel oleh Jabatan Kerajaan Persekutuan dan Negeri, pelepasan yang diberi hanyalah ke atas pembelian di peringkat runcit. Jabatan Kerajaan yang berkaitan perlu membayar GST ke atas perolehan produk petroleum RON 95 dan diesel secara komersial (pukal dari pemborong).

4. PENGELUARAN SIJIL

Mulai **1 Jun 2015**, Jabatan Kerajaan Persekutuan dan Jabatan Kerajaan Negeri yang membuat perolehan perkhidmatan Kerajaan perlu mengeluarkan satu sijil pelepasan dari dikenakan GST di bawah Seksyen 56(3)(a) Akta Cukai Barang dan Perkhidmatan 2014. Contoh Sijil seperti di Lampiran 'A'.

5. PROSEDUR PELAKSANAAN

5.1 Jabatan Kerajaan

Jabatan Kerajaan Persekutuan atau Negeri yang telah menandatangani kontrak dengan kontraktor/vendor akan mengeluarkan sijil pelepasan untuk perolehan perkhidmatan yang ditandatangani oleh ketua jabatan atau mana-mana pegawai yang diberi kuasa.

5.2 Kontraktor/Vendor

- i) Bagi mendapatkan pelepasan daripada mengenakan dan memungut GST atas pembekalan perkhidmatan yang dibuat kepada jabatan kerajaan, pihak kontraktor/vendor hendaklah mengeluarkan invois cukai dengan menyatakan klausa seperti berikut:
"Pembekalan kepada Kerajaan yang di beri pelepasan CBP di bawah Seksyen 56(3)(a) Akta Cukai Barang dan Perkhidmatan 2014"
- ii) Pihak pembekal hendaklah mengikrar dalam Butiran 13, Bahagian C, Penyata GST-03, jumlah nilai pembekalan diberi pelepasan CBP.
- iii) Pihak pembekal hendaklah menyimpan rekod berkaitan pembekalan yang tidak dikenakan CBP di mana melibatkan tuntutan cukai input bagi tujuan pemeriksaan / pengauditan pegawai CBP.

6. KESIMPULAN

Diharap panduan ini dapat membantu Jabatan kerajaan persekutuan dan negeri bagi mendapatkan pelepasan GST ke atas perolehan perkhidmatan dan juga membantu pihak kontraktor/vendor tidak mengenakan dan memungut GST.

Panduan pelaksanaan pelepasan cukai barang dan perkhidmatan ke atas perolehan perkhidmatan kerajaan yang dikeluarkan oleh JKDM hendaklah dibaca bersama 1PP di Portal Rasmi Kementerian Kewangan berkaitan dengan Pekeliling Perbendaharaan Bil.PK1/2013

Untuk Sebarang pertanyaan atau maklum balas sila hubungi:

i) Tuan Abd. Razak bin Ahmad Arshad)

Email : razak.arshad@customs.gov.my

Tel : 03-88822792

ii) Tuan Roslan Bin Akibon

Email : roslan.akibon@customs.gov.my

Tel : 03-83111304

Tarikh : 29 Mei 2015

Bahagian GST, Jabatan Kastam Diraja Malaysia

Rujukan Fail: KE.HF(140) Kerajaan dan Lain-lain Badan Awam Klt. 3 (23)

**SIJIL PELEPASAN BAGI PEROLEHAN PERKHIDMATAN
(OLEH KERAJAAN)**

**DI BAWAH SEKSYEN 56(3)(a) AKTA CUKAI BARANG DAN PERKHIDMATAN
2014**

Saya dengan ini mengesahkan bahawa perolehan perkhidmatan adalah bagi kontrak/projek seperti berikut :

Nama kontrak/projek : _____

(Jenis Perkhidmatan : _____)

Tempoh kontrak/projek : _____

diperolehi daripada (Kontraktor) : _____

dibekalkan kepada (Jabatan Kerajaan): _____

dan pelepasan daripada dikenakan CBP di bawah Seksyen 56 (3)(a) Akta Cukai Barang dan Perkhidmatan 2014 adalah dituntut.

Tandatangan _____

Nama _____

No. Kad Pengenalan _____

Pangkat _____

Tarikh _____

Nota : Ditandatangani oleh Ketua Jabatan atau mana-mana pegawai yang diberi kuasa.